

parum nitidus, antice transversim dilute flavescens, flavedine medio introrsum nonnihil dilatata. Scutellum sat magnum, triangulare, nigrum, parum nitidum, pone basin transversim leviter impressum. Hemelytra sordide albida, nitentia, breviter griseo-pubescentia, membrana albido-hyalina. Corpus nigrum, subnitidum, ventre medio longitudinaliter late dilute flavo-virescente. Pedes dilute virescentes; tarsi apice haud infuscatis.

34. *Capsus antennatus*: elongatus; antennis tenuibus, corpore longioribus, basi apiceque fuscis, articulo primo tertio longitudine subæquali; prothorace sub-conico, intra apicem et pone medium transversim impresso; hemelytris longitudine abdominis, coriaceis, membrana brevi, angusta. ♂♀.

*Mas*: minor, angustior, abdomine tenui, apice clavato. Long.  $3\frac{1}{2}$ , lat. 1 millim.

*Femina*: dimidio major, abdomine latiore, apice acuminato. Long.  $4\frac{3}{4}$ , lat.  $1\frac{1}{2}$  millim.

*Var. a.* ♂♀. capite nigro, postice maculis duabus, interdum confluentibus, orbitisque oculorum flavidis vel dilute virescentibus, prothorace scutelloque nigris, illo flavo-variegato; hemelytris dilute flavidis vel virescentibus, intus inæqualiter infuscatis.

*Var. b.* ♀. dilute virescens, macula parva inter antennas, antenarumque articulo primo basi, secundo apice, tertio et quarto totis fuscis.

*Var. c.* ♀. ut var b, sed capite macula intraoculari majore alteraque magna apicali, nigro-fuscis.

*Var. d.* ♀. ut var a, prothorace dilute virescente, medio linea longitudinali nigro-fusca, hemelytris intus vix infuscatis.

In gramine locis humidis mense Julio prope Holmiam parce legi.

Species singularis. Medius quasi inter *Capsus* et *Mirem*. Caput sub-triangulare, nigrum, nitidum, sub-levè, supra modice convexum, antice declive, inter oculos tenuiter canaliculatum, orbitis oculorum dilute flavescens, collo brevi, crasso, utrinque macula sat magna, interdum postice cum opposita confluenta, dilute flava vel virescente notata; rostro inflexo, insertionem pedum intermediorum vix attingente, dilute flavescens, apice infuscato; oculis ovatis, valde convexis, brunneis. Antennæ corpore longiores, tenues, articulo primo tertio longitudine æquali, basi tenui, ante medium nonnihil incrassato, dilute rufescente vel virescente, ina basi infuscato, secundo antecedente tenuiore et colore simili, sed  $\frac{1}{3}$  longiore, extrorsum interdum infuscato, tertio et quarto tenuioribus, fuscis, pilosis, ultimo penultimo brevioribus. Prothorax latitudine longior, antice posticeque leviter rotundato-emarginatus, lateribus medio sub-rotundatis, postice oblique ampliatis; supra modice convexus, intra apicem et pone medium transversim tenuiter impressus, impressione postica medio antorsum angulariter flexa; flavus vel dilute virescens, linea infralaterali vittaque media longitudinali, postice latiore, fascia transversa apiceque nigris; antorsum lævigatus, posterius punctulatus. Scutellum sat magnum, triangulare, nigrum, nitidum, vix visibiliter punctulatum, utrinque